

“Sa Cena”

*Seu de bona vena
e bantu vanagloria,
m'imbentu grandu cena
sinnada in sa storia.*

*Sa lista modu miu
fatz'a pinn'e paperi,
siddau asuriu
sa cascia tui oberi.*

*Po totus cuntentai
e ddis preni sa brenti,
ti depu cumandai
ordini de custa genti.*

*Custus bollint sa pati
no certu sa fetina,
no est gent''e cafelati
mancu de minestrina.*

*Compra tot'a puntinu
ca ti fatzu' s'onoris,
custu no est spuntinu
ma cena po sennoris.*

*No bollint petz'e pudda
ne mancu de piocu,
no torris che ne nudda
ca ti pongu s'aciocu.*

*Brebei cun burricu
funti malus a coi,
c'arretzalis dis circu,
no compris petz''e boi.*

*Ne mancu da proceddu
arrosciu s'anjoni,
procu cn crabiteddu
che foras de stajoni.*

*Bai a su mercäu
e compra cos''e prima,
biu ca ses secäu
fai 'n'assenni'e frima.*

*Ti pongu a corona
ch'intzetas o tanalla,
tui compra cosa bona
ne scassa e ne malla.*

*Ca ti fatzu sa posta
che trudu in s'olioni,
no timas cantu costat
no siast imbrollioni.*

*Est a palau de oru
A mesa s'arrodiu,
mancai ti tzachit coru
spendi in sa pischeria.*

*Cotzas cun cambaronis
Filatrot'a cadriga,
cociula macarronis
e scropula piniga.*

*Lissa, bia s'anguidda
pagellu, alegusta,
bai foras de bidda
po comporai custa.*

*It'est chi as pigau
po pixi friscu binu,
no dexit cannonau
ca bufu vermentinu.*

*Ringratziat cust'obreri
e bantat su papai,
brindat a su casceri
meda bortas ndi fai*

*Cun is contus torraus
Funti sempr'in turmentu,
a totus is siddaus
fatzu'nu cumprimentu*